

ष्टः प्र॒त्नीरु॒दानै॒कध॒निन॒ एता॒ग्नी॒च्चा॒वाले॒ वस॒तीव॒रीभिः॒ प्रत्यु॒पति॒ष्ठसि॒ होतृ॒चम॒-  
 सेन॒ चेति॒ सम्प्रै॒ष ए॒वैषः॒ ॥ १६ ॥ त॒ऽउ॒द॒च्चो नि॒ष्क्राम॒न्ति । ज॒घने॒न चा॒वाल्म॒ये-  
 णा॒ग्नीध्र॑ स॒ यस्यां॒ ततो॒ दि॒श्या॒पो भ॒वन्ति॒ तद्य॒न्ति ते॒ वै सह॒ प॒त्नीभि॒र्यन्ति॒ तद्य॒-  
 त्सह॒ प॒त्नीभि॒र्यन्ति॒ ॥ १७ ॥ यत्र॒ वै य॒ज्ञस्य॒ शिरो॒ऽह्मि॒द्यत॒ । तस्य॒ र॒सो द्रु॒वापः॒ प्र-  
 वि॒वेश॒ तमे॒ते गन्ध॒र्वाः सोम॒रक्षा॒ जुगु॒पुः ॥ १८ ॥ ते॒ ह दे॒वा ऊ॒चुः । इ॒यमु॒ न्वे॒वे-  
 ह॒ ना॒ष्ट्रा य॒दिमे॒ गन्ध॒र्वाः कथं॒ नि॒मम॒भये॒ऽना॒ष्ट्रे य॒ज्ञस्य॒ र॒समा॒हरे॒मेति॒ ॥ १९ ॥ ते  
 हो॒चुः । योषि॒त्कामा॒ वै गन्ध॒र्वाः सह॒ प॒त्नीभि॒रयाम॒ ते प॒त्नीष्वे॒व गन्ध॒र्वा ग॒र्धि-  
 ष्यन्त्य॒थैत॒मभये॒ऽना॒ष्ट्रे य॒ज्ञस्य॒ र॒समा॒हरि॒ष्याम॒ इति॒ ॥ २० ॥ ते॒ सह॒ प॒त्नीभि॒रीयुः ।  
 ते॒ प॒त्नीष्वे॒व गन्ध॒र्वा ज॒गृधु॒रथै॒तम॒भये॒ऽना॒ष्ट्रे य॒ज्ञस्य॒ र॒समा॒ज॒ह्नुः ॥ २१ ॥ तथो॒ऽए॒-  
 वैष॒ एत॒त् । सहै॒व प॒त्नीभि॒रेति॒ ते प॒त्नीष्वे॒व गन्ध॒र्वा गृ॒ध्वन्त्य॒थैत॒मभये॒ऽना॒ष्ट्रे य॒-  
 ज्ञस्य॒ र॒समा॒हर॒ति ॥ २२ ॥ सो॒ऽपो॒ऽभि॒ज॒होति॒ । एता॑ ह॒ वाऽआ॒हुति॑ ह॒ हुता॒मेष॒  
 य॒ज्ञस्य॒ र॒स उप॒स॒मैति॒ तां प्र॒त्युत्ति॒ष्ठति॒ तमे॒वैत॒दावि॒ष्कृत्य॒ गृह्णा॒ति ॥ २३ ॥ यदे॒वै-  
 ता॒माहु॒तिं जु॒होति॒ । एत॒मे॒वैत॒द्य॒ज्ञस्य॒ र॒सम॒भिप्र॒स्तृणी॒ति तमा॒रुन्धे॒ तम॒पो या॒चति॒  
 या॒भ्य उ॒ चै॒वैतां॒ दे॒वता॒भ्य आ॒हुतिं॒ जु॒होति॒ ता ए॒वैत॒त्प्री॒णाति॒ ता अ॒स्मै तृ॒प्ताः  
 प्री॒ता ए॒तं य॒ज्ञस्य॒ र॒सं सं॒नम॒न्ति ॥ २४ ॥ स॒ जु॒होति॒ । दे॒वोरा॒पो॒ऽअ॒पांन॒पादि॒ति  
 दे॒व्यो ह्या॒पस्त॒स्मादा॒ह दे॒वोरा॒पो॒ऽअ॒पांन॒पादि॒ति यो॒ व ऊ॒र्मिर्ह॒विष्य॒ इति॒ यो॒  
 व ऊ॒र्मि॒र्यज्ञि॒य इ॒त्ये॒वैत॒दाहे॒न्द्रिया॒वान्म॒दित्त॒म इति॒ वी॒र्य॒वानि॒त्ये॒वैत॒दाह॒ यदा॒हे-  
 न्द्रिया॒वानि॒ति म॒दित्त॒म इति॒ स्वा॒दिष्ट॒ इत्ये॒वैत॒दाह॒ तं दे॒वेभ्यो॒ दे॒वत्रा॒ दत्ते॒त्येत॒दे॒-  
 ना॒ अया॒चिष्ट॒ यदा॒ह तं॒ दे॒वेभ्यो॒ दे॒वत्रा॒ दत्ते॒ति शु॒क्रपे॒भ्य इति॒ सत्यं॒ वै शु॒क्रं स॒-  
 त्यपे॒भ्य इत्ये॒वैत॒दाह॒ येषां॒ भाग॒ स्थ॒ स्वाहे॒ति तेषा॒मु॒ द्येष॒ भागः॒ ॥ २५ ॥ अथ॒ मै-  
 त्राव॒रुण॒चम॒सेनै॒तामा॒हुति॒मप॒प्ला॒वय॒ति । का॒र्षि॒रसी॒ति य॒था वा॒ऽअ॒ङ्गारो॒ऽग्नि॒ना  
 प्सा॒तः स्या॒दे॒वमे॒षाहु॒तिरे॒तया॒ दे॒वत॒या प्सा॒ता भ॒वति॒ राजा॒नं वा॒ऽएता॒भिर॒द्भि॒रुप॒-